



Uunga
Agathe Fontain
Inatsisartunut ilaasortaq
Inuit Ataqtigiit

Sulisunut inissiat pillugit § 37 naapertorlugu apeqqummut (064-2022) akissut

Brevdato: 06-04-2022
Sagsnr.: 2022-7021

1. Namminersorlutik Oqartussani atorfinitsitaanermi atorfinnut sorlernut inissaqartitsisoqartarpa?

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Sulisunut inissiat innersuussat amerlanersaat atorfinnut aalajangersimasunut atatinneqangillat.

Sulisut Nuummi suliffimminnut atatillugu ineqartitaanissamut pisinnaatitaaffeqartut pisortat inissianik attartortittagaannik Illuut A/S-ikkulluunniit inissiamik innersuussiffigineqartarput. Tamanna inissianik attartortitsineq pillugu peqqussummi § 5, imm. 1, inissianik attartortittakkanik inoqanngitsunik innersuussisarnermi pingaarnersuilluni tulleriaarineranut allassimasut naapertorlugit ingerlanneqartarpoq.¹

Inissiat sulisunut inissatut tunniunneqartartut taamaalillutik killeqarmata, naalakkersuisoqarfiit akornanni inissiat suliunnaarnernut atatillugu qimatsinikkut atugassanngortinneqartut qanoq amerlatiginerat malillugu, sulisut amerlassusaat naapertorlugu agguarneqartarput. Taamaalilluni Nuummi inissiat atugassanngortinneqartartut, sulisunut inissiat atugassanngortinneqarnissaasa tungaannut sulisut piffissaagallartumik inissiani ineqannginnissaat qulakkeerniarlugu aqunneqartarput.

¹ Inissianik attartortitsisarneq pillugu Inatsisartut peqqusutaat pillugu Namminersorlutik Oqartussat nalunaarutaat nr. 11, 28. februar 2020-meersumi § 5, imm. 1:

§ 5. Illuutini Namminersornerullutik Oqartussanit kommunenilluunniit pigineqartuni inissiat inigineqanngitsut inissarsiorunut imatut tullerinnilersuilluni innersuunneqartassapput, inissiat:

1) iluarsaassinernut isaterinermullu atatillugu Namminersornerullutik Oqartussat kommunellu inisseeqqinnissaannut atugassat, tak. § 67.

2) attartortunut iniminnik pigineqatigiilluni inissiatut pigisatulluunniit tiguserusunngitsunut, tak. § 24, imm. 1 aamma § 24 a, imm. 1.

3) initaartinneqarnissamik siusinnerusukkut qularnaveeqqusiivigineqarsimasunut eqquutsitsiniarluni innersuunneqartussat, tak. § 57, imm. 4.

4) aapparisaq toqqukut qimagaasup atorfirmut aalajangersimasumut inigitinneqartumik qimatsinissaanut atatillugu innersuussutiginneqartussat, tak. § 62, imm. 2.

5) aapparisaq toqqukut qimagaasup inimik innarluutilimmut immikkut aaqqissugaasumik tunniussaasimasumillu qimatsinissaanut atatillugu innersuussutiginneqartussat, tak. § 62, imm. 3.

6) siunertanut aalajangersimasunut inimininnigaasut, tak. § 3, imm. 1, nr. 1 aamma 2.

7) sullissivinni sulisunut inissamat normumik atorneqanngitsumik pigisaqartunut atugassat, tak. § 9,

8) kommunit isumaginninnermi inissaqartitsinissaannut atugassat, tak. § 23,

9) nammineq kissaatigalugu nuunniartunut atugassat, tassunga ilanngullugu inigisanik paarlaannerit, tak. § 58,

10) utaqqisut allattorsimaffianni nalinginnaasumi allassimallutik inissarsiorunut atugassat, tak. § 6.

Suliffeqarfiit attuumasut ilanngullugit amerlassusiliisoqartarpoq. Kingorna immikkoortut atorfinitsitsisut atorfiup inissaqartillugu inuttassarsiornissaa namminneerlutik nalilertarpaat. Aatsaat atorfirmik inuttassarsiuussinermi inissaqartitsisoqartoq allassimappat inissaqartitsisoqarsinnaavoq. Naliliineq tamanna inuttaliiniarnermi pisariaqartitat sukumiisut aallaavigalugit pisarpoq. Atorfirmik inuttassarsiuinermi inissaqartitsisoqartillugu atorfinitsitsiniarneq ajornannginnerusartoq ataatsimut isigalugu naliliutaavoq.

Paatsuungasoqaqqunagu erseqqissarneqassaaq atorfiit immikkuullarissut ilaanni sulisunut inissiat aallaavittut pinngitsoornani inigineqartussaasarnerat. Tamatumani assersuutit palasit atorfii ilaat pineqarput. Taamaattoqartillugu inissiaq suliunnaarnermi qimanneqartussaavoq, kingornalu atorfinittoq tullermit inissiarineqartarluni.

Nuup avataani immikkoortunut tamanut inissiat amerlassusaat naapertorlugu sulisunut inissiat innersuunneqartarput.

2. Atorfiit qinnutigineqartut pisinnaajumallugit nunanit allaneersuusariaqarpa, assersuutigalugu Qallunaat Nunaannit?

Naamik. Namminersorlutik atorfirmut piukkunneqarnissami soorlu Qallunaat Nunaanneersuunissaq piumasaqaataangilaq. Qinnuteqartut akornanni sorliup atorfinitsinneqarnissaanut innersuunneqarneranut piginnaasat kisimik aallaavigineqartarput.

Apeqqummi sulisunut inissiat pineqarnerat eqqarsaatigineqarpat, taava atorfirmik inuttassarsiuussinermit allagarsiussami inissiamik atugassaqartitsisoqarnera akissutaassaaq, tamatumani atorfinitsitassap suminngaanneerpera apeqqutaatinnagu.

3. Assersuutigalugu Pinngortitaleriffik ujarassiuussarsiorpoq, atorfinitsinneqartoq inissamik tunineqassava?

Pinngortitaleriffik naalakkersuisoqarfimmit attuumassuteqarfigisaminit inissamik tunineqarsimappat, taava ujarassiuutut atorfik sulisunut inissiertalerlugu inuttaassarsiuunneqassaaq. Atorfiup inuttassarsiuunneqarnerani sulisunut inissiertaqanngippat, atorfinitsinneqartup atorfinitsinneqarnini sioqqullugu sumi najugaqarnera apeqqutaatinnagu, atorfinittoq sulisunut inissiamik neqeroorfigineqassanngilaq.

4. Suliffeqarfiit inissiamik atugassanngortitsisartut inissiat atorfinitsinneqartunut sorlernut atugassanngortinnissaat namminneq aalajangersinnaavaat?

Aallaqqaasiullugu apeqqutip kalaallisuuata qallunaatuatalu assigiinngissuteqarnerat oqaatigissavara, siullermi suliffeqarfiit apeqqutigineqarput, aappaanilu atorfinitsitsisut pineqarnerullutik. Taamaammat akissummi pisut tamarmik ilaatinneqarput.

Atorfinitsitsisut inissamik atugassaqaartinneqartut atorfirmik inuttassarsiuussinerminni nammineerlutik sulisunut inissiamik atugassanngortitsissanerlutik aalajangertussaavaat. Atorfimmut atatillugu ineqartitsisoqassanersoq, atorfiup inuttassarsiorlugu allagarsiuunneqarnerani allassimassaaq. Atorfiup inuttassarsiorneqarneranut allagarsiuussami allassimasoqanngippat, kingorna atorfirmut atatillugu inissiamik innersuussisoqarsinnaanngilaq. Apeqqut 1-imi itisillilluni akissut innersuussutigineqarpoq.

Qinnuteqartoq atorfirmik neqeroorfigineqartoq ineqareerpat, sulisunut inissiaq ataatsimut atugassanngortitsivimmut utertinneqassaaq, kingornalu atorfirmik allamik inuttassarsiuussinermut atatillugu atorneqarsinnaassalluni.

Malittarisassat taakku naalackersuisoqarfinni suliffeqarfinnilu taakku ataanniittuni atorfinitsitsinernut atuupput. Taamaalilluni aqutsisoqarfinni suliffeqarfinniluunniit allaanerusunik malittarisassaqaanngilaq, tassanili suliffeqarfik namminersortitaq Nukissiorfiit 2018-imi nammineq sulisuminut atugassanik sulisunut inissianik 16-inik sanaartornissamut piginnaatinneqartoq immikkoorutaavoq. Suliffeqarfiit namminersortitat Mittarfeqarfiit Asiarlu namminerisaminnik sulisunut inissiaateqaanngillat, taamaalillutillu ataatsimoorussamik sulisunut inissianik atuisarput.

Nummi aktiaatileqatigiiffiit pisortanit pigineqartut pisortat inissianut attartortittagaanni sulisunut inissianik innersuussisarnermut malittarisassanut ilaatinneqaanngillat, nammineerlutillu malittarisassaqaarlutik.

Inussiarnersumik inuulluaqqusillunga



Naaja/H. Nathanielsen